

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-5908-1/14.
Zenica, 28.03.2014. godine

Z A P I S N I K

sa 157. sjednice Vlade Zeničko-dobojskog kantona održane dana 27.03.2014. godine

Sjednica je održana u sali 109, prvi sprat u zgradi Kantona, dana 27.03.2014. godine u trajanju od 10¹⁸ do 13²⁰ sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Bojan Bošnjak, ministar Ministarstva za poljoprivredu, šumarstvo i vodoprivredu,
2. Romana Brkić, ministrica Ministarstva za pravosuđe i upravu,
3. Rifat Delić, ministar Ministarstva unutrašnjih poslova, (sjednici se pridružio u 10³⁰sati)
4. Mirko Trifunović, ministar Ministarstva za obrazovanje, nauku, kulturu i sport,
5. Senka Balorda, ministrica Ministarstva zdravstva,
6. Edin Terzić, ministar Ministarstva za prostorno uređenje, promet i komunikacije i zaštitu okoline, (sjednicu napustio u 10³⁶sati)
7. Nedžad Lokmić, ministar Ministarstva za boračka pitanja.

Odsutni:

1. Sabina Heljić, ministrica Ministarstva finansija, sjednici je prisustvovala Nada Delibašić, pomoćnica ministrice Ministarstva finansija,
2. Muhamed Husić, ministar Ministarstva za privredu,
3. Ivica Ćurić, ministar Ministarstva za rad, socijalnu politiku i izbjeglice,

kao i

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Jasminka Ahmetpahić, viši stručni saradnik za poslove informisanja u Uredu premijera,
4. Alma Hrnjić, zapisničar.

U svojstvu izvjestioca sjednici su prisustvovali:

- Senaid Begić, direktor JU Zavod zdravstvenog osiguranja Zeničko-dobojskog kantona,
- Ljiljana Anđelić, sekretar Ministarstva za privredu
- Željka Marković-Sekulić, direktorica Službe za zajedničke poslove
- Sead Džanović, direktor kantonalne uprave civilne zaštite.

Premijer je stavio na diskusiju predloženi

D N E V N I R E D :

1. Verifikacija Zapisnika sa 155. sjednice Vlade Zeničko-dobojskog kantona, održane dana 14.03.2014. godine;
2. Prijedlog Odluke o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec mart 2014. godine;

3. Izvještaj o izvršenju Finansijskog plana Zavoda zdravstvenog osiguranja Zeničko-dobojskog kantona za 2013. godinu sa Prijedlogom Zaključka o prihvatanju;
4. Izvještaj o procjeni radnih ciljeva, izvršavanja poslova i radnih zadataka rukovodećih državnih službenika koje postavlja Vlada Zeničko-dobojskog kantona za period 1.1.2013. godine do 31.12.2013. godine, sa Prijedlogom Zaključka o primanju na znanje;
5. Prijedlozi Rješenja o ocjenjivanju rukovodećih državnih službenika koje postavlja Vlada Zeničko-dobojskog kantona za 2013. godinu;
 - a. Prijedlog Rješenja o ocjenjivanju Močević Azre, direktorice Kantonalnog zavoda za pravnu pomoć;
 - b. Prijedlog Rješenja o ocjenjivanju Džanović Seada, direktora Kantonalne uprave civilne zaštite;
 - c. Prijedlog Rješenja o ocjenjivanju Havić Ibrahima, direktora Kantonalnog direkcije za robne rezerve;
 - d. Prijedlog Rješenja o ocjenjivanju Silajdžić Mirsade, direktorice Kantonalne uprave za inspekcijske poslove;
 - e. Prijedlog Rješenja o ocjenjivanju Čolaković Đenane, sekretara Biznis servis centra;
 - f. Prijedlog Rješenja o ocjenjivanju Kadić Mirsada, sekretara Sekretarijata za zakonodavstvo;
 - g. Prijedlog Rješenja o ocjenjivanju Ačkar Berjane, sekretara Vlade Kantona;
 - h. Prijedlog Rješenja o ocjenjivanju Marković-Sekulić Željke, direktorice Službe za zajedničke poslove;
6. Informacija Ministarstva za prostorno uređenje, promet i komunikacije i zaštitu okoline o potrebi usklađivanja Zakona o kantonalnim administrativnim taksama sa federalnim propisima sa Prijedlogom Zaključka o prihvatanju;
7. Informacija Ministarstva za privredu o realizaciji poticajnih mjera Vlade Zeničko-dobojskog kantona u 2013. godini (Program utroška budžetskih sredstava u 2013. godini-subvencije preduzećima u privatizaciji i poticaj industriji) sa Prijedlogom Zaključka o usvajanju;
8. Program utroška sredstava Ministarstva za obrazovanje, nauku, kulturu i sport sa pozicije „Tekući transfer drugim nivoima vlasti“, Budžeta Zeničko-dobojskog kantona za 2014. godinu sa Prijedlogom Zaključka o usvajanju;
9. Program utroška sredstava Ministarstva za obrazovanje, nauku, kulturu i sport, projekat „Uspostava monitoringa okoliša Zeničko-dobojskog kantona“, Budžeta Zeničko-dobojskog kantona za 2014. godinu sa Prijedlogom Zaključka o usvajanju;
10. Prijedlog Zaključka o formiranju Komisije za kontrolu korištenja prava na naknadu troškova prevoza;
11. Informacija Službe za zajedničke poslove o obradi podataka za prijevoz sa prijedlogom Zaključka o prihvatanju;
12. Prijedlog Zaključka o ustupanju na privremeno korištenje terenskog vozila Lada-Niva, Kantonalne uprave civilne zaštite registarski broj 853-M-638 sa pripadajućom opremom i rezervnim gumama za potrebe profesionalne vatrogasne jedinice općinske službe civilne zaštite Vareš;
13. Upoznavanje članova Vlade sa aktima;
 - Zaključak općinskog vijeća Zenica o usvajanju Informacije o stanju protiv požarne zaštite na području općine Zenica, broj: 01-01-4492/14 od 13.03.2014. godine;
 - Pravilnik Ministarstva za pravosuđe i upravu o obavljanju uredovnih dana Kantonalnog zavoda za pravnu pomoć;
 - Obavijest Ministarstva za prostorno uređenje, promet i komunikacije i zaštitu okoline vezana za izradu Prijedloga Odluke o izmjenama i dopunama Odluke o organizaciji i načinu obavljanja taksi prijevoza putnika na području Zeničko-dobojskog kantona i upućivanju Konkurencijskom vijeću BiH, broj: 12-27-24227-4/13 od 20.03.2014. godine.

Članovi Vlade nisu prihvatili razmatranje Prijedloga Odluke o izmjeni i dopunama Odluke broj: 02-14-5709/14 od 19.03.2014. godine Ministarstva za privredu, zbog odsustva ministra Ministarstva za privredu, te postojanja određene dileme vezane za navedeni prijedlog.

Članovi Vlade su se usaglasili sa predloženom izmjenom Edina Terzića ministra Ministarstva za prostorno uređenje, promet i komunikacije i zaštitu okoline da se 6. i 9. tačka predloženog dnevnog reda razmatraju kao 2. i 3. tačka dnevnog reda, zbog potrebe odsustva sa nastavka sjednice i predloženom dopunom Muniba Husejnagića, Premijera Zeničko-dobojskog kantona da pod tačkom dnevnog reda Upoznavanje, informiše članove Vlade o

- isplati februarske plaće za budžetske korisnike,
- planiranom sastanku na temu Projekta „Plava voda“ i
- realizaciji Odluke o odobravanju finansijskih sredstava za JU Kantonalna bolnica Zenica, Zenica.

tako da je za sjednicu Vlade jednoglasno usvojen slijedeći;

DNEVNI RED :

14. Verifikacija Zapisnika sa 155. sjednice Vlade Zeničko-dobojskog kantona, održane dana 14.03.2014. godine;
15. Informacija Ministarstva za prostorno uređenje, promet i komunikacije i zaštitu okoline o potrebi usklađivanja Zakona o kantonalnim administrativnim taksama sa federalnim propisima sa Prijedlogom Zaključka o prihvatanju;
16. Program utroška sredstava Ministarstva za obrazovanje, nauku, kulturu i sport, projekat „Uspostava monitoringa okoliša Zeničko-dobojskog kantona“, Budžeta Zeničko-dobojskog kantona za 2014. godinu sa Prijedlogom Zaključka o usvajanju;
17. Prijedlog Odluke o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec mart 2014. godine;
18. Izvještaj o izvršenju Finansijskog plana Zavoda zdravstvenog osiguranja Zeničko-dobojskog kantona za 2013. godinu sa Prijedlogom Zaključka o prihvatanju;
19. Izvještaj o procjeni radnih ciljeva, izvršavanja poslova i radnih zadataka rukovodećih državnih službenika koje postavlja Vlada Zeničko-dobojskog kantona za period 1.1.2013. godine do 31.12.2013. godine, sa Prijedlogom Zaključka o primanju na znanje;
20. Prijedlozi Rješenja o ocjenjivanju rukovodećih državnih službenika koje postavlja Vlada Zeničko-dobojskog kantona za 2013. godinu;
 - a. Prijedlog Rješenja o ocjenjivanju Močević Azre, direktorice Kantonalnog zavoda za pravnu pomoć;
 - b. Prijedlog Rješenja o ocjenjivanju Džanović Seada, direktora Kantonalne uprave civilne zaštite;
 - c. Prijedlog Rješenja o ocjenjivanju Havić Ibrahima, direktora Kantonalne direkcije za robne rezerve;
 - d. Prijedlog Rješenja o ocjenjivanju Silajdžić Mirsade, direktorice Kantonalne uprave za inspekcijske poslove;
 - e. Prijedlog Rješenja o ocjenjivanju Čolaković Đenane, sekretara Biznis servis centra;
 - f. Prijedlog Rješenja o ocjenjivanju Kadić Mirsada, sekretara Sekretarijata za zakonodavstvo;
 - g. Prijedlog Rješenja o ocjenjivanju Ačkar Berjane, sekretara Vlade Kantona;
 - h. Prijedlog Rješenja o ocjenjivanju Marković-Sekulić Željke, direktorice Službe za zajedničke poslove;
21. Informacija Ministarstva za privredu o realizaciji poticajnih mjera Vlade Zeničko-dobojskog kantona u 2013. godini (Program utroška budžetskih sredstava u 2013. godini-subvencije preduzećima u privatizaciji i poticaj industriji) sa Prijedlogom Zaključka o usvajanju;

22. Program utroška sredstava Ministarstva za obrazovanje, nauku, kulturu i sport sa pozicije „Tekući transfer drugim nivoima vlasti“, Budžeta Zeničko-dobojskog kantona za 2014. godinu sa Prijedlogom Zaključka o usvajanju;
23. Prijedlog Zaključka o formiranju Komisije za kontrolu korištenja prava na naknadu troškova prevoza;
24. Informacija Službe za zajedničke poslove o obradi podataka za prijevoz sa prijedlogom Zaključka o prihvatanju;
25. Prijedlog Zaključka o ustupanju na privremeno korištenje terenskog vozila Lada-Niva, Kantonalne uprave civilne zaštite registarski broj 853-M-638 sa pripadajućom opremom i rezervnim gumama za potrebe profesionalne vatrogasne jedinice općinske službe civilne zaštite Vareš;
26. Upoznavanje članova Vlade sa aktima;
 - Usmena Informacija Premijera Zeničko-dobojskog kantona vezana za isplatu februarskih plaća budžetskim korisnicima;
 - Zaključak općinskog vijeća Zenica o usvajanju Informacije o stanju protiv požarne zaštite na području općine Zenica, broj: 01-01-4492/14 od 13.03.2014. godine;
 - Pravilnik Ministarstva za pravosuđe i upravu o obavljanju uredovnih dana Kantonalnog zavoda za pravnu pomoć;
 - Obavijest Ministarstva za prostorno uređenje, promet i komunikacije i zaštitu okoline vezana za izradu Prijedloga Odluke o izmjenama i dopunama Odluke o organizaciji i načinu obavljanja taksi prijevoza putnika na području Zeničko-dobojskog kantona i upućivanju Konkurencijskom vijeću BiH, broj: 12-27-24227-4/13 od 20.03.2014. godine,
 - Usmena Informacija Premijera Zeničko-dobojskog kantona vezana za održavanje sastanka na temu Projekat „Plava voda“;
 - Usmena Informacija Premijera Zeničko-dobojskog kantona vezana za realizaciju Odluke Vlade Zeničko-dobojskog kantona o odobravanju finansijskih sredstava JU Kantonalna bolnica Zenica, Zenica.

Prva tačka dnevnog reda

Vlada je jednoglasno verifikacirala zapisnik sa 155. sjednice Vlade Zeničko-dobojskog kantona, održane telefonskim putem dana 14.03.2014. godine;

Druga tačka dnevnog reda

Obrazloženje za ovu tačku dnevnog reda dao je Edin Terzić, ministar Ministarstva za prostorno uređenje, promet i komunikacije i zaštitu okoline.

U diskusiji je učestvovao ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se prihvata Informacija Ministarstva za prostorno uređenje, promet i komunikacije i zaštitu okoline o potrebi usklađivanja Zakona o kantonalnim administrativnim taksama-Prečišćeni tekst („Službene novine Zeničko-dobojskog kantona”, broj 13/02, 12/03, 4/04, 5/04, 4/08, 7/09, 2/10, 6/10, 9/10 i 12/13) sa federalnim propisima. Informacija iz tačke I. ovog zaključka je sastavni dio ovog zaključka. Zadužuju se Ministarstvo finansija i Ministarstvo za prostorno uređenje, promet i komunikacije i zaštitu okoline, da u skladu sa zakonom i podzakonskim aktima realizuju ovaj zaključak, svako u okviru svoje nadležnosti. Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dao je Mirko Triunović, ministar Ministarstva za obrazovanje, nauku, kulturu i sport.

U diskusiji su učestvovali; Premijer Zeničko-dobojskog kantona i pomoćnica ministricе Ministarstva finansija.

Vlada je jednoglasno donijela Zaključak o usvajanju Programa utroška sredstava u razdjelu 22, budžetska organizacija 04, potrošačka jedinica 0010-Univerzitet u Zenici, namjenska sredstva Fonda za zaštitu okoliša, projekat „Uspostava monitoringa okoliša Zeničko-dobojskog kantona“, Budžeta Zeničko-dobojskog kantona za 2014. godinu

Usvaja se Program utroška sredstava, u razdjelu 22, budžetska organizacija 04, potrošačka jedinica 0010-Univerzitet u Zenici, namjenska sredstva Fonda za zaštitu okoliša, projekat „Uspostava monitoringa okoliša Zeničko-dobojskog kantona“, Budžeta Zeničko-dobojskog kantona za 2014. godinu, u iznosu od 1.000.000,00 KM (slovima: milionkonvertibilnihmaraka), koji čini sastavni dio ovog zaključka, po ekonomskim kodovima kako slijedi:

- ekonomski kod 613400 - Nabavka materijala za ispitivanje okoline	12.790,00 KM
- ekonomski kod 613700 - Održavanje i servisiranje opreme	30.000,00 KM
- ekonomski kod 613900 - MDC 901 – Ugovorene usluge	27.210,00 KM
- ekonomski kod 613900 - MDC 902 – Ostale ugovorene usluge	145.000,00 KM
- ekonomski kod 821300 - Nabavka opreme	630.000,00 KM
- ekonomski kod 821500 - Nabavka stalnih sredstava u obliku prava	25.000,00 KM
- ekonomski kod 821600 - Rekonstrukcija i investiciono održavanje	130.000,00 KM

Zadužuju se Ministarstvo za obrazovanje, nauku, kulturu i sport, Ministarstvo za prostorno uređenje, promet i komunikacije i zaštitu okoline, Univerzitet u Zenici i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

Četvrta tačka dnevnog reda

Obrazloženje za ovu tačku dnevnog reda dao je Munib Husejnagić, Premijer Zeničko-dobojskog kantona.

U diskusiji je učestvovala pomoćnica ministricе Ministarstva finansija.

Vlada je jednoglasno donijela Odluku o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec MART 2014. godine.

Ovom Odlukom odobrava se isplata sredstava u iznosu od 32.833,33 KM (slovima: tridesetdvije hiljade osamstotinatridesetri/33 konvertibilnih maraka) za političke stranke i klubove poslanika političkih stranaka zastupljene u Skupštini Zeničko-dobojskog kantona, za mjesec mart 2014. godine.

Sredstva iz člana 1. Ove Odluke raspoređuju se na način da se:

- 30% sredstava dijeli jednako svim političkim strankama, odnosno klubovima poslanika političkih stranaka koje su osvojile mandate u Skupštini Zeničko-dobojskog kantona,
- 60% sredstava dijeli prema broju poslaničkih mandata koje svaka politička stranka zastupljena u Skupštini Kantona, ima u trenutku dodjele mandata,
- 10% od ukupnog iznosa raspoređuje se klubovima poslanika srazmjerno broju poslaničkih mjesta koja pripadaju manje zastupljenom spolu.

Kao trenutak raspodjele sredstava iz člana 2. ove Odluke smatra se dan donošenja Odluke Vlade Kantona o raspodjeli istih.

Isplata sredstava iz člana 1. ove odluke će se izvršiti na osnovu Zakona o izvršavanju budžeta Zeničko-dobojskog kantona za 2014. godinu (“Službene novine Zeničko-dobojskog kantona”, broj: 15/13), sa razdjela 10, budžetska organizacija 01, potrošačka jedinica 0001-Skupština Kantona, ekonomski kod 614300, Pozicija „Tekući transfer za finansiranje političkih stranaka, koalicija političkih stranaka i nezavisnih poslanika.“

Zadužuju se Ministarstvo finansija Zeničko-dobojskog kantona i Stručna služba Skupštine Zeničko-dobojskog kantona da u skladu sa zakonom i podzakonskim aktima realizuju ovu odluku, svako u okviru svoje nadležnosti. Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Peta tačka dnevnog reda

Obrazloženje za ovu tačku dnevnog reda dao je Senaid Begić, direktor JU Zavod zdravstvenog osiguranja Zeničko-dobojskog kantona.

U diskusiji su učestvovali; ministrica Ministarstva zdravstva, ministar Ministarstva za poljoprivredu, šumarstvo i vodoprivredu i Premijer Zeničko-dobojskog kantona.

Vlada je jednoglasno donijela Zaključak kojim se prihvata Izvještaj o izvršenju finansijskog plana Zavoda zdravstvenog osiguranja Zeničko-dobojskog kantona za 2013. godinu. Izvještaj iz tačke I ovog zaključka upućuje se u dalju skupštinsku proceduru. Zaključak stupa na snagu danom donošenja.

Šesta tačka dnevnog reda

Obrazloženje za ovu tačku u ime predsjednice Interesorne radne skupine Ružice Jukić-Ezgete dala je Romana Brkić, ministrica Ministarstva za pravosuđe i upravu.

U diskusiji je učestvovala ministrica Ministarstva za pravosuđe i upravu.

Vlada je jednoglasno donijela Zaključak kojim se prima k znanju Izvještaj o procjeni radnih ciljeva, odnosno izvršenja poslova i radnih zadataka rukovodećih državnih službenika koje postavlja Vlada Zeničko-dobojskog kantona za period 1.1.2013 - 31.12.2013. godine. Izvještaj iz tačke I. ovog zaključka sastavni je dio ovog zaključka. Zaključak stupa na snagu danom donošenja.

Sedma tačka dnevnog reda

Obrazloženje za svako pojedinačno Rješenje dala je Romana Brkić, ministrica Ministarstva za pravosuđe i upravu.

Vlada je jednoglasno donijela Rješenje kojim se rukovoditelj Kantonalnog zavoda za pravnu pomoć Azra Moćević postavljena na radno mjesto direktorica Kantonalnog zavoda za pravnu pomoć, za rad i postignute rezultate u radu u periodu od 01.01.2013 - 31.12.2013. godine, ocjenjuje se ocjenom izuzetno uspješna.

U diskusiji je učestvovao Premijer Zeničko-dobojskog kantona.

Vlada je jednoglasno donijela Rješenje kojim se rukovoditelj Kantonalne uprave civilne zaštite Sead Džanović postavljen na radno mjesto direktora Kantonalne uprave civilne zaštite, za rad i postignute rezultate u radu u periodu od 01.01.2013 - 31.12.2013. godine, ocjenjuje se ocjenom uspješan.

U diskusiji je učestvovao ministar Ministarstva unutrašnjih poslova.

Vlada je jednoglasno uz predloženu izmjenu donijela Rješenje kojim se rukovoditelj Kantonalne direkcije robnih rezervi Ibrahim Havić postavljen na radno mjesto direktora Kantonalne direkcije robnih rezervi, za rad i postignute rezultate u radu u periodu od 01.01.2013 - 31.12.2013. godine, ocjenjuje se ocjenom uspješan.

U diskusiji su učestvovali; Premijer Zeničko-dobojskog kantona i ministar Ministarstva za poljoprivredu, šumarstvo i vodoprivredu.

Vlada je jednoglasno donijela Rješenje kojim se rukovoditelj Kantonalne uprava za inspeksijske poslove Mirsada Silajdžić postavljena na radno mjesto direktora Kantonalne uprava za inspeksijske poslove, za rad i postignute rezultate u radu u periodu od 01.01.2013 - 31.12.2013. godine, ocjenjuje se ocjenom „ne zadovoljava“.

U diskusiji je učestvovao Premijer Zeničko-dobojskog kantona.

Vlada je jednoglasno uz predloženu izmjenu donijela Rješenje kojim se rukovoditelj Biznis servis centra Đenana Čolaković postavljena na radno mjesto sekretara Biznis servis centra, za rad i postignute rezultate u radu u periodu od 01.01.2013 - 31.12.2013. godine, ocjenjuje se ocjenom „izuzetno uspješna“.

U diskusiji je učestvovao Premijer Zeničko-dobojskog kantona.

Vlada je sa jednim suzdržanim glasom većinom glasova za donijela Rješenje kojim se rukovoditelj Sekretarijata za zakonodavstvo Mirsad Kadić postavljen na radno mjesto tajnika Sekretarijata za zakonodavstvo, za rad i postignute rezultate u radu u periodu od 01.01.2013-31.12.2013. godine, ocjenjuje se ocjenom uspješan.

U diskusiji su učestvovali ministrica Ministarstva za pravosuđe i upravu, sekretar Sekretarijata za zakonodavstvo i Premijer Zeničko-dobojskog kantona.

Vlada je jednoglasno donijela Rješenje kojim se rukovoditelj Stručne službe Vlade Zeničko-dobojskog kantona Berjana Ačkar postavljena na radno mjesto tajnika Vlade Kantona, za rad i postignute rezultate u radu u periodu od 01.01.2013 - 31.12.2013. godine, ocjenjuje se ocjenom izuzetno uspješna.

U diskusiji je učestvovao Premijer Zeničko-dobojskog kantona.

Vlada je jednoglasno donijela Rješenje kojim se rukovoditeljica Službe za zajedničke poslove Željka Marković-Sekulić postavljena na radno mjesto direktorice, za rad i postignute rezultate u radu u periodu od 01.01.2013-31.12.2013. godine, ocjenjuje se ocjenom uspješna.

U diskusiji su učestvovali; Premijer Zeničko-dobojskog kantona, ministar Ministarstva za poljoprivredu, šumarstvo i vodoprivredu i ministar Ministarstva za boračka pitanja.

Osma tačka dnevnog reda

Obrazloženje za ovu tačku dnevnog reda dala je Ljiljana Anđelić, sekretar Ministarstva za privredu.

U diskusiji su učestvovali; ministar Ministarstva za poljoprivredu, šumarstvo i vodoprivredu, Premijer Zeničko-dobojskog kantona, ministar Ministarstva unutrašnjih poslova, ministar Ministarstva za obrazovanje, nauku, kulturu i sport i ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se usvaja Informacija o realizaciji poticajnih mjera Vlade Kantona u 2013. godini (Program utroška budžetskih sredstava u 2013. godini – subvencije preduzećima u privatizaciji i poticaj u industriji), koja čini sastavni dio ovog zaključka. Informacija iz tačke I ovog zaključka upućuje se u dalju skupštinsku proceduru. Zaključak stupa na snagu danom donošenja.

Deveta tačka dnevnog reda

Obrazloženje za ovu tačku dnevnog reda dao je Mirko Triunović, ministar Ministarstva za obrazovanje, nauku, kulturu i sport.

U diskusiji su učestvovali; ministrica Ministarstva za pravosuđe i upravu i pomoćnica ministrice Ministarstva finansija.

Vlada je jednoglasno uz predloženu dopunu člana vezanog za realizaciju sredstava po ovom kao i svim drugim Programima donijela Zaključak o usvajanju Programa utroška sredstava u razdjelu 22 - Ministarstva za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614100, pozicija „Tekući transfer drugim nivoima vlasti“, Budžeta Zeničko-dobojskog kantona za 2014. godinu.

Usvaja se Program utroška sredstava u razdjelu 22-Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614100, pozicija „Tekući transfer drugim nivoima vlasti“, Budžeta Zeničko-dobojskog kantona za 2014. godinu, u iznosu od 83.725,00 KM (slovima: osamdesettrihiljadesedamstodvadesetpet konvertibilnih maraka), koji čini sastavni dio ovog zaključka.

Sredstva planirana Budžetom Kantona za namjene predviđene ovim zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec uvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

Ovlašćuje se ministar Ministarstva za obrazovanje, nauku, kulturu i sport da potpiše Ugovor o prenosu sredstava sa predstavnicima drugih nivoa vlasti, sa ciljem realizacije Programa iz tačke I. ovog zaključka.

Zadužuju se Ministarstvo za obrazovanje, nauku, kulturu i sport i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti. Zaključak stupa na snagu danom donošenja.

10. tačka dnevnog reda

Obrazloženje za ovu tačku dnevnog reda dali su Munib Husejnagić Premijer Zeničko-dobojskog kantona i Berjana Ačkar sekretar Vlade Zeničko-dobojskog kantona.

Vlada je jednoglasno uz predloženu dopunu donijela Zaključak o formiranju Komisije za kontrolu korištenja prava na naknadu troškova prijevoza.

Formira se Komisija za kontrolu korištenja prava na naknadu troškova prevoza na posao i s posla zaposlenika kantonalnih ministarstava i drugih tijela uprave, organa, ustanova i organizacija koje se u cjelosti ili djelomično finansiraju iz Budžeta Zeničko-dobojskog kantona u sastavu:

- Fehim Humkić, predsjednik-Ministarstvo za prostorno uređenje, promet i komunikacije i zaštitu okoline,
- Ćazim Karalić, član-Stručna služba Vlade,
- Elvedin Fetić, član-Samostalni sindikat osnovnog obrazovanja i odgoja Zeničko-dobojskog kantona,
- Smail Jusić, član-Sindikata policije Ministarstva unutrašnjih poslova Zeničko-dobojskog kantona.

Zadatak Komisije iz tačke I. ovog zaključka jeste:

- Da u roku od šezdeset (60) dana od donošenja ovog zaključka izvrši kontrolu utvrđivanja ispunjenosti uslova za korištenje prava na naknadu za prevoz na posao i s posla, shodno Uredbi o naknadama i drugim materijalnim pravima koja nemaju karakter plaće („Službene novine Zeničko-dobojskog kantona“ broj 8/09 i 14/13), uvidom u dokumentaciju na osnovu koje je rukovoditelj organa utvrdio pravo na predmetnu naknadu, te neposrednim radom na terenu,
- Sedmično planiranje kontrola uz obavezno prethodno dostavljanje Plana Premijeru Kantona na uvid,
- Mjesečno izvještavanje Vlade Kantona o izvršenju zadataka, sa prijedlogom mjera. Zaključak stupa na snagu danom donošenja i

Zaključak kojim se zadužuje Ministarstvo za pravosuđe i upravu da za narednu sjednicu Vlade Zeničko-dobojskog kantona sačini Prijedlog izmjene Uredbe o dopuni Uredbe o izmjeni Uredbe o naknadama i drugim materijalnim pravima koja nemaju karakter plaće broj: 02-02-324014 od 12.02.2014. godine, kojom će se primjena Uredbe o izmjeni Uredbe o naknadama i drugim materijalnim pravima koja nemaju karakter plaće („Službene novine Zeničko-dobojskog kantona“, broj: 14/13), produžiti još za 60 dana tj. primjenjivat se počev od 02.06.2014. godine“. Zaključak stupa na snagu danom donošenja

11. tačka dnevnog reda

Obrazloženje za ovu tačku dnevnog reda dala je Željka Marković-Sekulić, direktorica Službe za zajedničke poslove.

U diskusiji je učestvovao Premijer Zeničko-dobojskog kantona.

Vlada je jednoglasno donijela Zaključak kojim se prihvata Informacija Službe za zajedničke poslove broj: 14-01-938-5/14 od 17.03.2014. godine koja se odnosi na obradu podataka za prijevoz budžetskih korisnika Zeničko dobojskog kantona. Zaključak stupa na snagu danom donošenja.

12. tačka dnevnog reda

Obrazloženje za ovu tačku dnevnog reda dao je Sead Džanović, direktor Kantonalne uprave civilne zaštite.

U diskusiji je učestvovao ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se ustupa na privremeno korištenje terensko vozilo Lada - Niva Kantonalne uprave civilne zaštite registarski broj 853-M-638 sa pripadajućom opremom i rezervnim gumama za potrebe profesionalne vatrogasne jedinice općinske službe civilne zaštite Vareš.

Terensko vozilo iz tačke I. ovog zaključka predat će se na rok korištenja od 20 mjeseci, registrovano i u ispravnom stanju, ugovorom o posudbi između Kantonalne uprave civilne zaštite i općine Vareš. Zadužuju se Kantonalna uprava civilne zaštite i općina Vareš da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

13. tačka dnevnog reda

Dostavom materijala pod ovom tačkom dnevnog reda Premijer Zeničko-dobojskog kantona je upoznao članove Vlade sa istim.

Premijer je zaključio sjednicu u 13²⁰ sati.

SEKRETAR VLADE

Berjana Ačkar

ZAPISNIČAR

Alma Hrnjić

PREMIJER

Munib Husejnagić, dipl.ing.maš.